

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



一. 十信 – 普光明殿

本 體	佛	如來名號品
	法	四聖諦品
	僧	光明覺品
力 用	佛	菩薩問明品
	法	淨行品
	僧	賢首品



華嚴經淨行品之文殊菩薩說善用其心之一

智首問法		爾時，智首菩薩問文殊師利菩薩言：（下方世界菩薩問東方世界根本智菩薩）
涅槃十波羅蜜	佛	佛子！菩薩云何得無過失身、語、意業？
	法	云何得不害身、語、意業？
	僧	云何得不可毀身、語、意業？
	精進	云何得不可壞身、語、意業？
	禪定	云何得不退轉身、語、意業？
	般若	云何得不可動身、語、意業？
	方便	云何得殊勝身、語、意業？
	願	云何得清淨身、語、意業？
	力	云何得無染身、語、意業？
	智	云何得智為先導身、語、意業？
菩薩十波羅蜜（十問百法）	佛	云何得生處具足、種族具足、家具足、色具足、相具足、念具足、慧具足、行具足、無畏具足、覺悟具足？
	法	云何得勝慧、第一慧、最上慧、最勝慧、無量慧、無數慧、不思議慧、無與等慧、不可量慧、不可說慧？
	僧	云何得因力、欲力、方便力、緣力、所緣力、根力、觀察力、奢摩他力、毘鉢舍那力、思惟力？
	精進	云何得蘊善巧、界善巧、處善巧、緣起善巧、欲界善巧、色界善巧、無色界善巧、過去善巧、未來善巧、現在善巧？
	禪定	云何善修習念覺分、擇法覺分、精進覺分、喜覺分、猗覺分、定覺分、捨覺分、空、無相、無願？
	般若	云何得圓滿檀波羅蜜、尸波羅蜜、羼提波羅蜜、毘梨耶波羅蜜、禪那波羅蜜、般若波羅蜜，及以圓滿慈、悲、喜、捨？
	方便	云何得處非處智力、過未現在業報智力、根勝劣智力、種種界智力、種種解智力、一切至處道智力、禪解脫三昧染淨智力、宿住念智力、無障礙天眼智力、斷諸習智力？（詳審十住位之初發心住、梵行品修法、第十行位十智成就及離世間品菩薩百問之第九十八問）
	願	云何常得天王、龍王、夜叉王、乾闥婆王、阿脩羅王、迦樓羅王、緊那羅王、摩睺羅伽王、人王、梵王之所守護，恭敬供養？
	力	云何得與一切眾生為依、為救、為歸、為趣、為炬、為明、為照、為導、為勝導、為普導？
	智	云何於一切眾生中，為第一、為大、為勝、為最勝、為妙、為極妙、為上、為無上、為無等、為無等等？
讚歎問法		爾時，文殊師利菩薩告智首菩薩言：善哉！佛子！汝今為欲多所饒益、多所安隱，哀愍世間，利樂天人，問如是義。（智首菩薩問義結構見附11-1）
善用其心		佛子！若諸菩薩善用其心，
	佛	則獲一切勝妙功德；
	法	於諸佛法心無所礙；
	僧	住去來今諸佛之道；

華嚴經淨行品之文殊菩薩說善用其心之二

總說善用心功德	精進	隨眾生住恒不捨離；
	禪定	如諸法相悉能通達；
	般若	斷一切惡具足眾善；
	方便	當如普賢色像第一；
	願	一切行願皆得具足；
	力	於一切法無不自在；
	智	而為眾生第二導師。
文殊菩薩說十信位		佛子！云何用心能獲一切勝妙功德？
		佛子！菩薩在家，當願眾生：知家性空，免其逼迫。…(文殊菩薩說百四十一大願淨行，見附11-2)
		佛子！若諸菩薩如是用心，則獲一切勝妙功德；一切世間諸天、魔、梵、沙門、婆羅門、乾闥婆、阿脩羅等，及以一切聲聞、緣覺，所不能動。

附11-1：華嚴經淨行品及賢首品之二菩薩說善用心與起信功德

位次	十信之圓融道善用心與起信功德(三寶之法與僧)	
問主	智首菩薩問文殊師利菩薩	
問數	共二十問 1. 十圓融道用心(法) 2. 十次第道起信功德(僧) (每問含十次第)	
法義	文殊菩薩答圓融道善用心，賢首菩薩答次第道起信功德	
論主	文殊師利菩薩與賢首菩薩	
	涅槃十波羅蜜(圓融道法)	文殊菩薩說善用其心(信位之法)
善用其心及起信功德	云何得無過失身、語、意業 云何得不害身、語、意業 云何得不可毀身、語、意業 云何得不可壞身、語、意業 云何得不退轉身、語、意業 云何得不可動身、語、意業 云何得殊勝身、語、意業 云何得清淨身、語、意業 云何得無染身、語、意業 云何得智為先導身、語、意業	佛子！若諸菩薩善用其心，則獲一切勝妙功德；於諸佛法，心無所礙，住去、來、今諸佛之道；隨眾生住，恒不捨離；如諸法相，悉能通達；斷一切惡，具足眾善；當如普賢，色像第一，一切行願皆得具足；於一切法，無不自在，而為眾生第二導師。佛子！云何用心能獲一切勝妙功德？ 菩薩在家，當願眾生：知家性空，免其逼迫。孝事父母，當願眾生：善事於佛，護養一切。… (此百四十一淨行，總依十波羅蜜而起，十波羅蜜法各具十法，總成百法，合世間行者即理事同周體相不二之義。此百信理事圓滿，通四十一位次第行法，至圓滿地) 佛子！若諸菩薩如是用心，則獲一切勝妙功德；一切世間諸天、魔、梵、沙門、婆羅門、乾闥婆、阿脩羅等，及以一切聲聞、緣覺，所不能動。
	菩薩十波羅蜜百法(差別行法)	賢首菩薩說菩薩法起信功德(信位之行)
	云何得生處具足、種族具足… 云何得勝慧、第一慧，最上慧… 云何得因力、欲力，方便力… 云何得蘊善巧、界善巧，處善巧… 云何善修習念覺分、擇法覺分… 云何得圓滿檀波羅蜜，尸波羅蜜… 云何得處非處智力… 云何常得天王、龍王，夜叉王… 云何得與一切眾生為依、為救… 云何於一切眾生中為第一…	文殊師利菩薩說無濁亂清淨行大功德已，欲顯示菩提心功德故，以偈問賢首菩薩曰： 我今已為諸菩薩，說佛往修清淨行，仁亦當於此會中，演暢修行勝功德。 善哉仁者應諦聽，彼諸功德不可量，我今隨力說少分，猶如大海一滴水。若有菩薩初發心，誓求當證佛菩提，彼之功德無邊際，不可稱量無與等。… (依於善用心根本智起六位行法)

*此圓融道善用心之十問乃依於四天下十方而起次第，依於根本智十波羅蜜而設，其為體即十波羅蜜，其為用即是十方，體相和合，即成百法，當仔細辨明。下文皆同此義。

*此次第道之十問凡百差別者，每問依於十方用心而設，其十差別者亦依各方之自十方，表信行所起功德，依於善心，入於微細，層層無盡也。

附11-2：華嚴經淨行品文殊菩薩說善用其心百四十一淨行之一

佛十波羅蜜	佛	菩薩在家，當願眾生：知家性空，免其逼迫。
	法	孝事父母，當願眾生：善事於佛，護養一切。
	僧	妻子集會，當願眾生：怨親平等，永離貪著。
	精進	若得五欲，當願眾生：拔除欲箭，究竟安隱。
	禪定	妓樂聚會，當願眾生：以法自娛，了妓非實。
	般若	若在宮室，當願眾生：入於聖地，永除穢欲。
	方便	著瓔珞時，當願眾生：捨諸偽飾，到真實處。
	願	上昇樓閣，當願眾生：昇正法樓，徧見一切。
	力	若有所施，當願眾生：一切能捨，心無愛著。
	智	眾會聚集，當願眾生：捨眾聚法，成一切智。
法十波羅蜜	佛	若在厄難，當願眾生：隨意自在，所行無礙。
	法	捨居家時，當願眾生：出家無礙，心得解脫。
	僧	入僧伽藍，當願眾生：演說種種，無乖諍法。
	精進	詣大小師，當願眾生：巧事師長，習行善法。
	禪定	求請出家，當願眾生：得不退法，心無障礙。
	般若	脫去俗服，當願眾生：勤修善根，捨諸罪軛。
	方便	髻除鬚髮，當願眾生：永離煩惱，究竟寂滅。
	願	著袈裟衣，當願眾生：心無所染，具大仙道。
	力	正出家時，當願眾生：同佛出家，救護一切。
	智	自歸於佛，當願眾生：紹隆佛種，發無上意。
僧十波羅蜜	佛	自歸於法，當願眾生：深入經藏，智慧如海。
	法	自歸於僧，當願眾生：統理大眾，一切無礙。
	僧	受學戒時，當願眾生：善學於戒，不作眾惡。
	精進	受闍梨教，當願眾生：具足威儀，所行真實。
	禪定	受和尚教，當願眾生：入無生智，到無依處。
	般若	受具足戒，當願眾生：具諸方便，得最勝法。
	方便	若入堂宇，當願眾生：昇無上堂，安住不動。
	願	若敷床座，當願眾生：開敷善法，見真實相。
	力	正身端坐，當願眾生：坐菩提座，心無所著。
	智	結跏趺坐，當願眾生：善根堅固，得不動地。
精進波羅蜜	佛	修行於定，當願眾生：以定伏心，究竟無餘。
	法	若修於觀，當願眾生：見如實理，永無乖諍。
	僧	捨跏趺坐，當願眾生：觀諸行法，悉歸散滅。
	精進	下足住時，當願眾生：心得解脫，安住不動。
	禪定	若舉於足，當願眾生：出生死海，具眾善法。

附11-2：華嚴經淨行品文殊菩薩說善用其心百四十一淨行之二

精進波羅蜜	般若	著下帟時，當願眾生：服諸善根，具足慚愧。
	方便	整衣束帶，當願眾生：檢束善根，不令散失。
	願	若著上衣，當願眾生：獲勝善根，至法彼岸。
	力	著僧伽梨，當願眾生：入第一位，得不動法。
	智	手執楊枝，當願眾生：皆得妙法，究竟清淨。
禪定十波羅蜜	佛	嚼楊枝時，當願眾生：其心調淨，噬諸煩惱。
	法	大小便時，當願眾生：棄貪瞋癡，蠲除罪法。
	僧	事訖就水，當願眾生：出世法中，速疾而往。
	精進	洗滌形穢，當願眾生：清淨調柔，畢竟無垢。
	禪定	以水盥掌，當願眾生：得清淨手，受持佛法。
	般若	以水洗面，當願眾生：得淨法門，永無垢染。
	方便	手執錫杖，當願眾生：設大施會，示如實道。
	願	執持應器，當願眾生：成就法器，受天人供。
	力	發趾向道，當願眾生：趣佛所行，入無依處。
	智	若在於道，當願眾生：能行佛道，向無餘法。
般若十波羅蜜	佛	涉路而去，當願眾生：履淨法界，心無障礙。
	法	見昇高路，當願眾生：永出三界，心無怯弱。
	僧	見趣下路，當願眾生：其心謙下，長佛善根。
	精進	見斜曲路，當願眾生：捨不正道，永除惡見。
	禪定	若見直路，當願眾生：其心正直，無諂無誑。
	般若	見路多塵，當願眾生：遠離塵坌，獲清淨法。
	方便	見路無塵，當願眾生：常行大悲，其心潤澤。
	願	若見險道，當願眾生：住正法界，離諸罪難。
	力	若見眾會，當願眾生：說甚深法，一切和合。
	智	若見大柱，當願眾生：離我爭心，無有忿恨。
方便十波羅蜜	佛	若見叢林，當願眾生：諸天及人，所應敬禮。
	法	若見高山，當願眾生：善根超出，無能至頂。
	僧	見棘刺樹，當願眾生：疾得翦除，三毒之刺。
	精進	見樹葉茂，當願眾生：以定解脫，而為蔭映。
	禪定	若見華開，當願眾生：神通等法，如華開敷。
	般若	若見樹華，當願眾生：眾相如華，具三十二。
	方便	若見果實，當願眾生：獲最勝法，證菩提道。
	願	若見大河，當願眾生：得預法流，入佛智海。
	力	若見陂澤，當願眾生：疾悟諸佛，一味之法。
	智	若見池沼，當願眾生：語業滿足，巧能演說。

附11-2：華嚴經淨行品文殊菩薩說善用其心百四十一淨行之三

願十波羅蜜	佛	若見汲井，當願眾生：具足辯才，演一切法。
	法	若見涌泉，當願眾生：方便增長，善根無盡。
	僧	若見橋道，當願眾生：廣度一切，猶如橋梁。
	精進	若見流水，當願眾生：得善意欲，洗除惑垢。
	禪定	見修園圃，當願眾生：五欲園中，耘除愛草。
	般若	見無憂林，當願眾生：永離貪愛，不生憂怖。
	方便	若見園苑，當願眾生：勤修諸行，趣佛菩提。
	願	見嚴飾人，當願眾生：三十二相，以為嚴好。
	力	見無嚴飾，當願眾生：捨諸飾好，具頭陀行。
	智	見樂著人，當願眾生：以法自娛，歡愛不捨。
力十波羅蜜	佛	見無樂著，當願眾生：有為事中，心無所樂。
	法	見歡樂人，當願眾生：常得安樂，樂供養佛。
	僧	見苦惱人，當願眾生：獲根本智，滅除眾苦。
	精進	見無病人，當願眾生：入真實慧，永無病惱。
	禪定	見疾病人，當願眾生：知身空寂，離乖諍法。
	般若	見端正人，當願眾生：於佛菩薩，常生淨信。
	方便	見醜陋人，當願眾生：於不善事，不生樂著。
	願	見報恩人，當願眾生：於佛菩薩，能知恩德。
	力	見背恩人，當願眾生：於有惡人，不加其報。
	智	若見沙門，當願眾生：調柔寂靜，畢竟第一。
智十波羅蜜	佛	見婆羅門，當願眾生：永持梵行，離一切惡。
	法	見苦行人，當願眾生：依於苦行，至究竟處。
	僧	見操行人，當願眾生：堅持志行，不捨佛道。
	精進	見著甲冑，當願眾生：常服善鎧，趣無師法。
	禪定	見無鎧仗，當願眾生：永離一切，不善之業。
	般若	見論議人，當願眾生：於諸異論，悉能摧伏。
	方便	見正命人，當願眾生：得清淨命，不矯威儀。
	願	若見於王，當願眾生：得為法王，恒轉正法。
	力	若見王子，當願眾生：從法化生，而為佛子。
	智	若見長者，當願眾生：善能明斷，不行惡法。
十住位	佛	若見大臣，當願眾生：恒守正念，習行眾善。
	法	若見城廓，當願眾生：得堅固身，心無所屈。
	僧	若見王都，當願眾生：功德共聚，心恒喜樂。
	精進	見處林藪，當願眾生：應為天人，之所歎仰。
	禪定	入里乞食，當願眾生：入深法界，心無障礙。

附11-2：華嚴經淨行品文殊菩薩說善用其心百四十一淨行之四

十住位	般若	到人門戶，當願眾生：入於一切，佛法之門。
	方便	入其家已，當願眾生：得入佛乘，三世平等。
	願	見不捨人，當願眾生：常不捨離，勝功德法。
	力	見能捨人，當願眾生：永得捨離，三惡道苦。
	智	若見空鉢，當願眾生：其心清淨，空無煩惱。
十行位	佛	若見滿鉢，當願眾生：具足成滿，一切善法。
	法	若得恭敬，當願眾生：恭敬修行，一切佛法。
	僧	不得恭敬，當願眾生：不行一切，不善之法。
	精進	見慚恥人，當願眾生：具慚恥行，藏護諸根。
	禪定	見無慚恥，當願眾生：捨離無慚，住大慈道。
	般若	若得美食，當願眾生：滿足其願，心無羨欲。
	方便	得不美食，當願眾生：莫不獲得，諸三昧味。
	願	得柔軟食，當願眾生：大悲所熏，心意柔軟。
	力	得麤澁食，當願眾生：心無染著，絕世貪愛。
	智	若飯食時，當願眾生：禪悅為食，法喜充滿。
十迴向	佛	若受味時，當願眾生：得佛上味，甘露滿足。
	法	飯食已訖，當願眾生：所作皆辦，具諸佛法。
	僧	若說法時，當願眾生：得無盡辯，廣宣法要。
	精進	從舍出時，當願眾生：深入佛智，永出三界。
	禪定	若入水時，當願眾生：入一切智，知三世等。
	般若	洗浴身體，當願眾生：身心無垢，內外光潔。
	方便	盛暑炎毒，當願眾生：捨離眾惱，一切皆盡。
	願	暑退涼初，當願眾生：證無上法，究竟清涼。
	力	諷誦經時，當願眾生：順佛所說，總持不忘。
	智	若得見佛，當願眾生：得無礙眼，見一切佛。
十地位	佛	諦觀佛時，當願眾生：皆如普賢，端正嚴好。
	法	見佛塔時，當願眾生：尊重如塔，受天人供。
	僧	敬心觀塔，當願眾生：諸天及人，所共瞻仰。
	精進	頂禮於塔，當願眾生：一切天人，無能見頂。
	禪定	右遶於塔，當願眾生：所行無逆，成一切智。
	般若	遶塔三匝，當願眾生：勤求佛道，心無懈歇。
	方便	讚佛功德，當願眾生：眾德悉具，稱歎無盡。
	願	讚佛相好，當願眾生：成就佛身，證無相法。
	力	若洗足時，當願眾生：具神足力，所行無礙。
	智	以時寢息，當願眾生：身得安隱，心無動亂。
總說		睡眠始寤，當願眾生：一切智覺，周顧十方。

(返回第226頁)